



直廬稿卷第七目錄

詩

紀賜七首

西苑曉行

元日賀雪三首

雪夜禁中馬度金海橋次韻

元夕賜召觀殿壇燈二首

大廷策士問帝王道統予忝預讀卷次少師相
公韻

東閣晚出宿禮部贊治堂贈費宗伯

東閣封卷進呈 御覽

春日苑中

仰宸樓為大學士張公賦

陽峯詩為大學士張公賦

松臯書屋詩為少保許公賦

許子近田書屋詩

送太宗伯兩洲王公之任留都

先祖贈少傅純德府君歿後四十年矣蒙 恩

追賜祭葬感而有述

贈大司徒夏公之任留都

贈別治齋萬公之南司寇

以內賜仙鶴緋羅贈治齋因題二絕

送中丞王公巡撫寧夏

贈盧睿卿司業

送張大叅之江西

送鄭憲長之江西

送沈憲副之江西

送陳僉憲之江西

徐子養痾歸吳中寄贈此詩

徐進士擢第後還松江學士少湖公之弟

贈甘几山少保

尊恩樓為甘少保題

贈董用均編修侍親還吳興

贈胡侍御督學南畿

送周儀制出補閩臬

四月二十日早出城到十里莊漫成

和崔駙馬出遊凉水莊

曉過太液

桂翁生辰直舍小酌

再答桂翁

九日和桂翁韻

冬夜直舍枕上偶成

太宰整菴羅公年八十 恩賜存問

太宰熊公母夫人年九十 恩賜漿食存問

太宰唐公母夫人壽九十

寄壽少司寇劉梅國年兄

送少宗伯盛先生還鄉

送汪太僕之南滁

冬夜集會贈翰林高肅卿梁子業裴子大給諫

何時賓奉使諸藩

陳給諫奉母還大梁

張永清通政貽沈石田畫松卷沈自作歌因次

其韻寄謝永清

贈王偉純光祿之南都

贈詹注

寄贈致政王大尹

張子應台以用修書來見得官蜀邑贈之

少師相公誕辰次韻

學士張龍湖壽詩

西園翁詩來賀予生孫次韻酬之

贈胡給諫侍省南還

贈高子德崇出守平涼

寄壽戴洪源京兆

贈費民達奉使淮藩

重慶四壽詩為譚少叅賦

壽李封君詩為邦良大叅作

歲除日作

題宿鴈圖

直廬稿卷第七

詩

升菴楊慎批點

欽賜平安金字二對

朝野今無事宸情為一懽
微臣亦叨幸歲歲荷平安

賜門神金獅判子等四對

朱戶重重貼春神衛九重
蓬門藉光寵金甲壯威容

賜節錢銀

日給天厨饌還勞賜節錢
四時并八節日日祝堯年

賜大吉金字二對

歲裏賜平安元正賜大吉君恩與日新何以効臣職
賜上尊珍饌

黃票封仙醞珍盤列御殮中使勤齋送年朝到閣門
賜金葫蘆簪一對

彩繫黃金簪戴首以榮賜宮中尚葫蘆其義為多子
賜葫蘆畫五副

殿裏皆高手丹青繪事奇宛疑臨水石春色上花枝
西苑曉行

太液冰初泮澄盈淨綠鋪柳邊籠燭過驚起雙棲鳧
批云禁籞題詠雅有幽致

雲護蒼龍闕波明白玉橋春光在何許渠柳變青條

絕似玉纒

元日賀雪

聖德通三極齋心格上玄表珍符舊臘賜貺入新年
二
滲漉敷周甸霑濡足舜田微臣懽侍從恭進瑞徵篇

元祀崇天誕開壇諷玉章絳節朝群帝鸞輿下九光
寶闕天花墜瑤空皓鶴翔帝命標仙籍新春介百祥

三

元正初啓律瑞雪降凝華瑤臺皆積玉琪樹盡生花

已識陽和遍還占歲事嘉萬曆開昌運休徵未有涯

雪夜禁中馬渡金海橋次桂翁少師

對面飛花亂撲鞍長橋行處玉為欄人間麩麥堪稱
瑞天上樓臺迥覺寒上宰化鈞調政府騷人清興入
詩壇禁園物色年年勝最喜相從得共看

元夕賜召觀殿壇燈

玉殿瓊階入洞天星河歷歷滿空懸虹橋路接三華
上火樹花明萬炬前紫極神光同煥爛丹爐淑炁自
迴旋祠膏泛粥逢嘉夕戴 聖瞻天祝萬年得初唐體

又次韻一首

遶殿爐煙合鳴空彩樂傳乍瞻鰲闕聳遙指鳳燈燃
錦簇千花障霞明九色天殊觀勞應接緩步得周旋
賜召來中夕祈年禮上玄今宵帝城月仍對直廬眠

大廷策士問帝王道統予忝預讀卷次少師相

公韻丁未三月

日浮旗影仍隨硯風遍爐香正滿庭大對總陳周禮
樂盛儀應備漢公卿九天日月依華盖八座星辰拱
太清欲識道傳堯舜意千年今覩 聖人生

坐聞玉漏移高閣起望紅雲覆紫庭一代科名羅俊
彥連朝供奉簡公卿金門榜出人爭沸鳳沼詩成句

直廡
卷七言
獨清尚憶對廷弘治日衰庸無補愧平生

東閣晚出宿禮部贊治堂贈費宗伯

入門憶是多年別古栢高槐舊在庭官署幾回更地
主 聖朝三禮重春卿到来自覺塵囂靜坐久猶憐
月色清分得大官厨醞美頓令詩思忽然生

校文寓宿來南省入暮茶香逸戶庭書几牀帟仍舊

館栢亭花砌屬名鄉衣冠最數同鄉盛天地今逢四

海清咫尺文昌連紫閣會需霖雨濟蒼生徐金谿傳體齋張栢

崖一時同為三堂今桂翁鍾石及予相繼掌部皆出江右也

東閣封卷進呈 御覽

殿閣掄材分甲乙緘封入奏九重知玉毫題處雲霞

爛寶鋤頒時雨露垂蚌彩夜探離碧海鯤鱗雷激化

天池賢才輩出扶昌運重詠梧桐鳳羽詩御批一甲三人卷用

玉管筆賜讀卷官鈔皆故事也批云玉管筆可作甲第盛事也

春日苑中

樓臺列映多臨水鶯燕群衝不避人行過柳邊橋上

路羅衣風暖不生塵

仰宸樓為大學士張公賦

凌虛見層閣縹緲湖山涯中有綸綍言龍文光陸離

穆穆黃扉宰造膝承堯咨殊錫富緗帙種種琬琰奇

襲箴示采裔神物相護持主恩既云渥臣節良可知
長此仰 宸極帶礪以為期

陽峯詩為大學士張公賦

岷江浩東注噴薄萬派盈孤巘俯江際芙蓉如削成
綺麗地靈結岩堯天柱擎雲物互吞吐島嶼相迴紫
伊人秉幽尚興與山水并結屋面其勝林巷有餘清
波光動遠浦秀色來前楹一朝邁休運應卜登承明
介節立萬仞陽德敷烝民扶輿發清淑川阜儲精英
申甫本嶽降三謝遺音傳說起巖耕茲山在遐服四海稱佳名
松臯書屋詩為少保許公賦

嵩洛環名區巘嶸紛接連中有萬松樹蒼蒼入雲煙
樛枝鸞鶴舞偃蓋蛟龍騫上宰契高致結屋長林邊
聽濤過絕澗挹翠倚層巔直節聳千仞美蔭覆八埏
時卉豈不榮愛此晚節堅且聞啖脂術皓若崆峒仙
風霜既多歷雨露矧乃偏幽貞媿令德因之謫永年
於古調中出奇語不為選體縛者

許子副郎作近田書屋尊翁少保貽以訓言請
予賦此

甫田負邑廓鬱鬱桑麻繁耘耔在畎澮棲息依林巒
雞鳴深樹間鶯啼修竹端生長起華胄而知稼穡難

父菑况有訓肯穫力以殫出懷比授簡接目似銘盤
慎儉惟永圖無逸乃貽安

送大宗伯兩洲王公之任留都

尚書八座古稱崇留省新恩喜屬公遙送仙槎上銀
漢早聞星履近南宮河山形勝蟠龍虎京邑規模真
鎬豐我昔忝官曾此地別來灤柳幾春風官舍居柳樹灣
卿家兄弟才名久臺省聯登地望同政以經綸需遠
業極知颺歷有清風鷗鵬擊水搏滄海鸞鶴排雲上
碧空強欲相從那可得心隨旌旆過江東

先祖贈少傅純德府君歿後四十年矣蒙 恩

追賜祭葬感而有述

平生苧布老柴荆鄉里能傳積善名不向人間求聞
達豈知身後有孤卿 制詞褒處雲霞爛諭祭頒時
草木榮欲報 一國恩歸未遂松楸南望一沾纓

贈大司徒夏公之任留都

地以留都重官於踐斗崇臣勞均出入宦轍任西東
颺歷年何久推延論至公掄材需杞梓造羽接鴈鴻
山翠當窓裏江流出霧中理財專劇部裕國佇深功
青壤經周賦緇衣美鄭風召歸應有日名姓簡淵衷
贈別治齋萬公之南司寇

八座兩京俱重地乍聞綸命喜還驚歷來霜霰松筠
晚上到星辰履舄榮吏部文章歸大雅秣陵山水續
佳盟眼中知己誰能似不盡依依送別情
曲江宴裏西江士晚歲唯餘我共君每惜驂騑淹逸
步却看鸞鶴上青雲春天樹遠情難寄祖席花穠酒
易醺珍重平生經濟手漢家麟閣待殊勲

以內賜仙鶴緋羅贈治齋因題二絕

金織緋羅出內機殷勤持贈表緇衣官階眼色茲為
極試數同儕到者稀

宮錦裁成一品衣自驚仙鶴遶身飛贈君此服還相
祝待取他年白玉圍

送中丞王公巡撫寧夏

早於瓊樹挹清輝五色文章動禁闈風采臺端君獨
步交遊館內侶全稀行營柳傍朱旗閃出塞霜隨白
簡飛共羨為儒無將畧即看談笑靖戎機終始工細
貌虎重圍壯玉關中臺號令指麾間 聖朝正倚干
城重絕塞應聞羽檄閒白草霜連大河岸翠崖雲擁
賀蘭山頻報年豐秔稻足萬川戎落盡懽顏

贈盧睿卿司業

南舟遙問秣稜程北客初詣作宦情海近雲霞連北

固宮深鍾漏。隱西清。才名早已儲三館。形勝真堪賦。兩京自昔成均師。道重諸生今喜得陽城。

送張大叅之江西

都城入夏初。聞雨渺渺新波送。鷁舟青瑣從班辭北闕。紫薇仙佩向南州。斗間龍氣頻看劍。筆裏陽春欲借籌。還理舊囊者諫草。江湖元繫廟堂憂。

送鄭憲長之江西

京華偶作經春客。江臬今為千里行。報國丹心元自許。辭天繡服倍為榮。離離遠樹檣間出。淼淼澄波鳥外明。公去正隆臺省望。吾衰空繫薜蘿情。

豫章開府控南州。憲節觀風據上游。祖席暫留燕市月。樓船先發楚江秋。十年鐵柱維蛟蜃。五夜龍光射斗牛。藩臬鉅公多善政。佇聞田野盡歌謳。

五六豈非摩詰詩中畫乎

送沈憲副之江西

外臺分憲拜恩光。粉署含香別舊行。列郡候迎瞻紫戟。六條觀察避風霜。匡廬問俗雲隨憶。滕閣留賓雨映觴。持法正須存愛卹。早聞歌頌遍江鄉。

送陳僉憲之江西

天書寵拜霜臺使。仙籍名高漢署郎。西省燭明親案

直應和
牘南宮簾鎖校文章門墻已見收桃李廊廟還應待
棟梁想見列城驚按節似聞魑魅泣干將

徐子養病歸吳中寄贈此詩

五岳期靈藥三山覓紫芝問君何所適惆悵度芳時

天遠江雲隔心清海鶴知欲寄滄浪曲還吟招隱詩

徐進士擢第後還松江學士少湖公之弟

曉聽臚音上赤墀滿朝誰不羨連枝玉堂位峻三公

近金榜名香四海知歸意欲題司馬柱別懷長誦惠

連詩盃前想見鱸魚美淞浦秋風是到時

贈甘几山少保

尚書投笏賦西歸擁傳承恩倍有輝鷗夢却使洲渚

靜鴻冥真與世塵遠留侯穀為尋仙辟疏傳金從宴

客揮獨有丹心仍戀主夜瞻星斗望彤闈

尊恩樓為甘少保題

樓名新賜動朝班霄漢殊榮孰可攀華扁詔從冬省

製寶函恩自玉宸頒千年傑構岷峨上五夜虹光斗

極間定有山靈為呵護長留聖藻在人寰

贈董用均編修侍親還吳興

上到蓬萊宮裏行大羅璫籍注仙名皆言天祿司編

貴曾見長楊作賦成歸奉慈輿承色養望隨津樹入

卿程若溪春水春山麗爰采芳蘭慰爾情

贈胡侍御督學南畿

纔聞按京兆霜隼肅秋天旋喜移南國文星動曉躔
宸恩方被命庭論乃推賢道備師儒職威專御史權
百寮歸糾察多士仰陶甄城闕留都壯山河旬服遠
使輶晨擁傳官燭夜窺編揀閱金沙出稱題藻鏡懸
共知清若水還許直如弦學總淵源際文回渾噩前
桓驄仍避路班馭若登仙今日成周治重歌棫撲年

起句扇對妙中間奇句層出結又妙

送周儀制出補閩臬

浮世萍蹤未可期眼看棋局事頻移省闈襍被時稱
屈瑣闥封章帝獨知君喜驩驩新得路予慚老鳳
尚依池群芳搖落清霜候謾對黃花勸酒卮

四月二十日早出城到十里莊漫成

四年不到城東路半餉偷為出郭行忽放禽籠因自
適屢馳駒隙却堪驚人家家門戶多殊舊僧寺園林尚
帶清擾擾車塵那可息總知求利與求名

和崔駙馬出遊凉水莊

太傅池亭凉水畔不知長夏有炎蒸紅霞映渚花千
頃翠幄迎風樹百層眠鷺盡驚軒蓋起行雲忽被管

直廬稿 卷七言
絃凝古來河朔稱嘉會劇飲何妨酒似澆
出城携客更論文便覺高風遠俗群休沐暫辭天上
直招邀閑步水邊雲花當綺席偏饒色柳傍朱輪亦
駐矐聞說興來揮醉墨練裙書破惱羊忻

曉過太液

萬葉田田綠水盈露香晨邇遠風清無人知得天池
上魚鳥於人了不驚

桂翁生辰直舍小酌

鷗園幾歲停歌舫御苑茲辰捧壽卮事擬漢庭歸皓
日瑞符崧岳降申時雲龍昌運千年會柱石元功百
辟師長願承恩依舜曆年年身在鳳凰池

再答桂翁

金扉出入每相隨誕日忻逢奉此卮豈合踈庸陪未
議獨看勲業重明時公田黍熟仍訝歲邊塞烟清欲
罷師今日朝廷賴黃髮未應重問白鷗池

九日和桂翁韻

佳節又看逢九日黃花故傍御園開連朝齋禁除葷
酒細和高吟勝舉杯

冬夜直舍枕上偶成

直宿長年在禁園夢魂連夜遶江村省循責任憂蚤

負點檢行藏愧鳳導川迥最憐魚鴈杳逕荒猶想菊
松存移文總被山靈誚感遇難酬 聖主恩

太宰整菴羅公年八十 恩賜存問

長於北斗瞻儀範更以南山入頌篇身比溫公居洛
日壽同姜叟釣璜年鴻冥世網人難慕龍臥秋霖望
父懸恩詔喜傳存問使要知 明主正思賢

太宰熊公母夫人年九十 恩賜粟帛存問

詔書溫問動南州九十萱親事罕儔天部持衡官獨
重壽鄉賜帛寵偏優乘仙欲降瑤池馭紀算頻添海
屋籌忠孝百年真不忝汗青應付史官收

太宰唐公母夫人壽九十誕辰賦此奉賀

瑤水嘉期捧壽觴紫宸溫詔拜恩光槐陰入座董蠶
滿萱草當庭愛日長八座起居安祿養百官均統冠
朝行九齡稱慶尚書邱勝事流傳百世芳

寄壽少司寇劉梅國年九

仙翁家住梅花國紗帽開軒倚玉林車馬不驚尊壑
夢方舟還憶濟川心文成刻紙能高價酒對園禽自
好音聞道壽筵開七袞因風遙寄鶴飛吟脫洒不似壽詩

送少宗伯盛先生還鄉

曾是南宮侍從臣暮年重見帝城春留侯辟穀辭榮

父尚父非熊感遇新海上仙山頻入夢枕中鴻寶可
願神賜歸便逐煙霞去遙羨高風隔世塵

送汪太僕之南滁

官清曾說住留京卿署臨滁地轉清坳牧暫應勞寺
政琴觴長是集僚英雲煙繞郭惟山色花藥開軒自
鳥聲泉上醉翁遺刻在好尋蒼蘚認題名

冬夜集會贈翰林高肅卿梁存業裴子大給諫
何時賓奉使諸藩

喜從賓館聚英僚並向宗藩擁使輶龍關曉辭銜命
重燕臺春發去程遙沙寒旅雁鳴相逐日暖河水凍

漸消名在蓬萊人所羨好將顏色比瓊瑤

陳給諫奉母還大梁

同榜幾人能有子又隨鴛鴦立朝端入科筆硯緣封
事退食羨醪為母歡謹議每蒙天獎重歸程不道路
行難安仁自是黃門客重奉潘輿洛下看事料雜用古今

張永清通政貽沈石田畫松卷沈自作歌因次

其韻寄謝永清

誰移雲根橫百丈屈幹駢柯鬱相望烟雨霏濛濕未
乾滿紙虬龍欲奔放風霜飽歷澗之濱勁氣直干霄
漢上鱗甲稜層變化神却憶徂徠坤脉旺大夫之封

還鄙秦三公，協夢真非誑。石田墨妙擅，東吳海內一時皆。景向禁苑開，圖值晚冬坐。覺天風振屏障，尚憐窮壑有遺材。默對丹青思大匠。容巖典刑不必見畫

贈王偉純光祿之南都

江流長逸鳳凰城，六代遺蹤草樹平。彩筆共推詞賦手，白雲閒寄古今情。官曹路入官池遠，齋閣窓含雪嶂清。暫向舊都留勝賞，重來京陌聽珂聲。

贈詹法

衢水下錢塘，信水入彭蠡。二水夾常山，崇岡限疆里。東南此會通，行子日未已。我家自袁山，從宦已四紀。

草坪轍屢經，懷玉棹頻艤。詹氏諸弟昆，相見輒為喜。我來百里迎，去送百里止。人情異新故，獨爾恒若始。別來經幾年，相念曷由邇。今年禁城春，謁我於官邸。傾杯敘契闊，對月坐忘起。別離常苦多，良晤信無幾。冠蓋一朝新，告我之滇水。荒陬企皇澤，願子重官理。愛民如愛客，政譽日嘉美。後會應可期，且盡掌中醴。真率似陶而春容尤難

寄贈致政王大尹

一疏聞天，迓舊扉便隨鷗鳥。已忘機三山為縣，賢聲在數畝。移家生事，微珠韞洛波川。自媚劍留豐邑斗。

直廬和
卷七詩
十四
頻輝麻姑泉近堪調醞不向東籬待白衣

張子應台以用修書來見得官蜀邑贈之

先達何人為薦雄弊裘燕陌走西東遙知別後鳴琴處月照峨眉第幾峯

蜀客書從滇海來因憐瓊樹重徘徊公餘想有停雲思驛路東風寄早梅

少師相公誕辰次韻

南極一星開壽域蟠桃千歲慶嘉辰占祥夢協長庚
早紀算籌添海屋頻直以鳳麟昭國瑞却於龍馬比
精神彭聃豈足為公祝長願安邦輔聖人

昨年内直逢初度今夏移尊復此辰四座薰風能滌暑百巡壽酒莫辭頻格天勲業商生弼間世英賢岳降神文彩風流驚百代前身疑是謫仙人

學士張龍湖壽詩

瑞應虹流初誕聖聖誕後六日公生辰歡傳岳降乃生賢清

秋序屬平分候名世期逢五百年南省文章魁上第蓬山冠佩作真仙湖中龍躍聞祥兆會作甘霖雨八

埏

壽詩難於着題

西園翁詩來賀予生孫次韻酬之

頻年京國望鄉間每得書來數卷舒時舉二孫心偶

遂晚歸三逕志非虛還丹不用逢人覓美酒常因好
客儲他日一尊堪共對登山臨水興何如

長安車馬曉充間此日雙眉得暫舒湯餅開筵還可
辦熊羆入夢菓無虛金從宴客頻推賜粟為周貧屢
發儲千里故人能助喜新詩投贈擬瓊如

贈胡給諫侍省南還

畫舫乘春玉峽歸恩光無許奉庭闈晴烟野岸梅爭
發逢日山亭燕始飛花色映觴供壽酒天香携袖試
宮衣民風到處觀應遍細寫封章達禁扉

贈高子德崇出守平涼

官於五馬時稱貴路入三秦去獨遙關塞風塵猶汗
漫問閭杼柚轉蕭條陽城自合書賢蹟汲黯無嗟遠
聖朝前史循良須努力早聞襦袴遍歌謠

寄壽戴洪源京兆

蚤辭閭闔廷中籍新卜鄱陽郡裏家鳧渚鶴汀堪釣
詠稻田茶圃足生涯高談不廢三奇學大藥還尋九
轉砂節近重陽開壽域醉歌烏帽對黃花

贈費民達奉使淮藩

尚書星履陟文昌才子華簪綴鷺行常杜去天纔尺
五崑崗生壁自輝光負趨故里歸程促喜近宗藩

使命將想見鴈飛秋水闊樓船旌節下鄱陽

重慶四壽詩為譚少叅賦

四親三世歡重慶華髮朱顏共一堂居向蜀邦名自
好書從毀籍字猶香人同大古稱醇德地擬甘泉作
壽鄉寶桂謝蘭歌勝事栢臺薇省佩恩光雲中煙火
截丹竈溪上鷗魚伴野航報道文孫新衣紫過家先

奉紫霞觴

府名重慶又登科錄祖在書重慶
批云此排律全似杜

壽李封君詩為邦良大叅作

却憶江湖湖上第碧雲迢遞寄幽蹤抱才久負蜚騰
志抗世仍餘磊砢胸皓首情怡青竹簡清銜恩拜紫

泥封金緋獻壽懷堪慰蘭桂傳芳慶已重十月南州
天氣好綺筵春酒綠醅濃

歲除日作

下直長安却掩門不堪車馬往來喧寒連朔野冰霜
足霧隱高城氣色昏無那塵纓難自解敢將温樹與
人言年華暗入椒花頌春事徐開栢葉尊

題宿鴈圖

洞庭瀟湘渺南楚滿目秋容何處所荷葉迎霜色半
枯芙蓉帶露花爭吐群鴻作伴宿沙汀深渚蘆花夢
不驚相戀夜寒時顧影自鳴風靜更聞聲明星漸落

銀塘曉高翔欲度重雲表可憐毛羽遍江湖欲寄音
書知達否良工妙筆寫此圖忽見林杪生金鯨移來
一片滄洲境坐對嬋娟興不孤

直廬稿卷第七終

直廬稿卷第八

詩

大報篇

南郊分獻 星辰壇作

夢遊篇

贈何沅溪中丞出佐閩藩

贈嚴敏卿太史使河南遂奉親歸吳

贈袁懋淳太史

贈林與吉太史

送大總憲劉公之南臺

送畢太守赴河南

贈趙大理之南寺

送大司成李先生之南廡

祇後 山陵曉出德勝門風雨淒橫至土城則

平陸水深數尺漫志三絕寄謝宗伯費公學

士徐公

曉入 天壽山馬上作

寄贈張合溪方伯

贈憲僉李汝承督學山東

子壻袁副郎使歸贈此詩併寄封君西園翁翁

致政歸作二亭曰康樂見一故末句云

贈徐宜春明府

贈太守高子述因追憶故憲長子業

贈郭中舍靜甫

贈司寇萬公還留都

贈吳替善歸省

題紅梅圖在內直為王司禮作

得曹霜崖年兄書因寄謝

雪夜華從龍白貞夫二地官李伯承明府同集

再贈李伯承明府

封孺人許滇守馬公之配壽屆八十子吉士一
龍乞詩

南郊分獻雲風雷雨壇

贈張兵憲惟行都憲惕菴之子

雪筵夜集續前韻貽座中諸文彥

贈翰檢晁君石使河南

賦得鷺子磯送華兵部南行

七十自詠

贈南吏部屠公直齋

贈張銀臺

贈別李年兄致政歸開州

送少宗伯朱兩厓南還

憶惠山贈顧上舍歸覲

中流砥柱圖詩為太宰聞公壽

龍湖南渠二閣學少湖宗伯偕承 召命入直

作此奉贈

西園翁書來命子郎中應樞置酒為予壽孟秋

朔日宴于延恩新第坐客以次奉觴極歡賦

此寄謝

贈曹侍御出按豫章

舊守東明范公行予以內直不能出送賦此奉

贈

尚書顧公展省還惠山贈別二章

送仲望胡君督學江西

劉都諫母八十壽詩

壽陶敬齋憲副大理丞見湖之父

送章僉憲之江西

贈汪績

贈熊節推

贈邊德弘擢第還金川

贈張縣宰

贈李中丞赴鎮

次韻李子中寓居隆福寺之作

書事

相翁惠楫

送萬總戎歸本鎮

壽止菴胡封君給舍仲望之父

答周梅巖見贈

寄贈許子仲貽

贈憲副陶伯諧赴襄陽

贈憲副李子中之山東

梅巖詩贈周憲副

賀西園翁受封秋官

壽王母太宜人詩為武選道元賦

贈孫道甫守潞安

贈趙汝周知石埭

壽白菴趙翁

三壽詩為趙翁賦

與龍荅

直廬稿卷第八

詩

升菴楊慎批點

大報篇

迎律踐黃鍾吹葭候緹室希微炁始升澄湛夜方寂
大祀崇明報厥義徵在昔象類擬鴻濛陳器尚簡質
帝尊握化元萬古恒不息五緯度罔愆六氣調無易
品彙並生成神功默無迹

批云有漢志樂歌意

南郊分獻 星辰壇作

恭翼承皇命盥潔致精誠祠官告嚴辦百辟遙華纓

園丘巍且峻陟降屢屏營舉手捫上台恍惚登太清
仰眎霄宇廓圓羅低玉繩神光燭虛無煙燎達芬馨
漢時儀成秩周郊祀孔明忻占六符正坐閱泰階平

又

大梵凝宵輝慶颺度流響紫壇升三成灑炁澄虛朗
雖和發金奏芬苾薦鬱幽臨照光八紘髮鬢見神享
何以贊時雍陽德今方長

前輩有此詩多是律體

夢遊篇

紀夢也

昔我夢遠遊歛然升沈寥恍若朝玄都裳衣織霞綃
初經泛蓬海獵獵隨剛飈須臾度蕭伊幻出黃金橋

朗朗萬華星璀璨列紫雲日延佇知意愜寤驚但魂搖
靈景難再值方知天路遙

奇景奇句

贈何沅溪中丞出佐閩藩

行路無勞訝是非百年世事幾枰碁未論傳檄收青
海且可看雲訪武夷風起北溟鵬整翮暖回丹穴鳳
來儀老逢知己何為贈相業玄成是所期

尊翁尚書也

贈嚴敏卿太史使河南遂奉親歸吳

頒封銜命促征車奉使隨親樂有餘覽德正翔阿閣
鳳承權還饌越溪魚鶯花江畔逢春早冰雪途中見
歲除莫向梁園輕授簡須知文價重璠璣

四詩同題而每篇一律

贈袁懋淳太史

燕谷回春春色晴為斟春酒送君行過鄉草引王孫
路投館花迎漢使旌太史壯遊窺禹穴侍臣仙籍

蓬瀛南宮第一題名日曾記 君王問長卿

贈林與吉太史

星輶出使勞王命桐葉分封重帝親名向禮闈曾擢
桂官於文館是歲珎青萍白壁能同價天馬雲鵬自
絕塵元是大羅香案吏海東何日返颺輪

送大總憲劉公之南臺

八座臺卿榮拜命百年家學羨流芳如聞渥水呈龍
馬早見天池浴鳳凰辭闕再承新雨露巡吳曾識舊
風霜須知簡擢皆時望 皇鑒今同日月光父怡閒尚書也

送畢太守赴河南

結束晨裝事遠征雙旌遙指洛陽城為儒共說橫金
貴問俗初煩露冕行高嶺千重雲嶠色河流萬頃雪
濤聲到時父老欣相迓零雨東郊及省耕

贈趙大理之南寺

茲行堪慰宦遊情驄馬翩翩識舊程憲府名高周柱

史留都班列漢公卿雲中玉殿朝 陵近樹裏玄湖
坐寺清人道釋之能執法一時刑獄自稱平

送行詩首首風致

送大司成李先生之南廡

河山帝業弘周鎬冠帶橋門陋漢廡 聖祖開基教
訓在官臣啣命寵恩濃蛟螭長護宸碑字雨露猶含
禮殿松想見士林歌棧樸待歸廊廟補山龍

正合臺閣體

祇役 山陵曉出德勝門風雨淒橫至土城水

深數尺漫志三絕寄宗伯費公學士徐公

冒雨衝風曉出城自驚疲力事王程守身却誦垂堂
戒報國因憐叱馭情

漸近崇岡認土城謾過村落計郵程還思四十年前

事尚有看山覓句情子昔為編修上陵遇雨同此景

相送勞君遠出城可堪衝雨各分程十年萍跡留京
國信有并州客舍情

曉入 天壽山馬上作

迢遞橋陵路透迤松栢林水流千澗合雲起四山陰
享殿陪祠入行宮扈蹕臨十年重一到荏苒歲華侵

二

黃覆依岡殿青連夾道松。憑高一駐馬，望氣欲成龍。
信與人境隔，惟看雲壑重。昨宵雷雨足，飛瀑滿千峰。
寄贈張合溪方伯

九潭花月靄氛氲，春浦維舟憶共君。長為煙波勞遠
夢，每於翰墨挹清芬。山中叢桂應堪賦，溪上閒鷗自
作群。珍重此身強健在，世間榮寵是浮雲。
贈憲僉李汝承督學山東

曾羨邠林第一枝，手持文印共稱宜。萬年闕里瞻依
地，六郡星輶按部時。世覩鳳麟因有道，門收桃李本
無私。聖朝造士條章在，親捧綸音下玉墀。

子壻素副郎使歸，贈此詩併寄封君西園翁翁。
致政歸作二亭，曰康樂，見一故末句云。

粉署為郎列縉紳，星輶出使奉恩新。未論題柱堪酬
志，且喜升堂得拜親。衣著官袍還五色，盃行壽酒合
千巡。欲歸未遂嗟予老，惆悵汀洲蕙草春。

憑爾將書報老親，思歸終日上心頻。三孤位極慚縻
祿，聖主恩深敢乞身。安得酒盃同泛螳，不嫌班鬢
總如銀。他年康樂如相對，林下休誇見一人。
贈徐宜春明府

袁水袁山秀且重，郡城如在畫圖中。未嫌簿牒勞民

事須聽絃歌有古風春臺飛蓋看雲岫下浦維舟近
晚楓却憶草堂松竹裏一尊那得與君同

贈太守高子述因追憶故憲長子業

承恩補舊官五馬發長安瓊樹驚重觀朱絃惜自彈
風塵騏驥老沙草鶴鷄寒贈別懷前事名家有二難

贈郭中舍靜甫

聞君適東魯便欲歸東吳題詩窺日觀揚帆凌太湖
野熟饒秔稻波深足鴈鳧衣綵娛親舍瞻天憶帝都

贈司空萬公還留都

中朝名譽重於山官向留都復暫還遙聽履聲南斗

上回瞻香案彩雲間漫憐嘉會俄成別每奉清言一

解顏 聖主需賢方側席期公同押紫宸班

贈吳贊善歸省

燕臺日日望雲飛詔許寧親願不違家在楚山千里
別鴈隨秋水一帆歸盃分湛露斟瓊醴袖染爐香試
彩衣玉署青宮班列近遙來獻納奉恩輝

題紅梅圖在內直為王司禮作

孤芳忽向圖中見竒絕驚看造物私燕谷此時回臆
候羅浮何處覓春姿繁英吐艷舒霞彩冷蕊含香闌
玉肢日暖却疑蜂作陣月明應訝鵲爭枝宮粧似出

昭陽殿絳雪遙分阿母池長在禁園承雨露丹心惟
許歲寒知

得曹霜崖年兄書因寄謝

丹鳳樓前同賜第白鷗江畔蚤懸車故交海內今寥
落驚見丹徒一紙書

少日並遊今老大相看俱是七旬人未論拖玉懸金
貴且聞人間見在身

京口園廬卜築幽經過不厭屢維舟樓臺隱映江心
寺更許他年得並遊

雪夜華從龍白貞夫二地官李伯承明府同集

苑西下直逢休暇雪裏邀賓得勝緣歌聽銀箏翻死
轉舞看瑤絮闔清妍地曹掌計名郎貴河縣之官令
尹賢共喜豐登占上瑞還將歌頌祝堯年

再贈李伯承明府

郎官出宰赴渝川祖席相看暮雪天詞客高才能授
簡美人佳政在鳴絃坐闌宮漏歡難竟折贈江梅意
早傳定有天書催入召飛鳧闕下望來旋

西堂燈燭晃虛筵風送飛雲落酒邊此夕不辭拚酌
酌明朝相望隔山川孤舟載月經吳寺聯鴈隨雲入
楚田若到袁江聽猿嘯恐增愁思費詩篇

封孺人許滇守馬公之配壽屆八十子吉士一

龍乞詩

當日遠從滇海使暮年纔侍玉堂人
冰霜苦節天因鑒霄漢榮名志已伸
色養未論鍾鼎貴壽筵歡對柳
梅春如聞梓里傳慈訓信有清芬繼孟鄰

南郊分獻雲風雷雨壇

泰壇崇三成明祀秩群位上帝儼端居
百神森扈衛夙戒開誓言宵享奉虔對
陽迎氣方始景測理無昧爨爨爨
爨篆芬噫噫笙管嘒適覩雲風生噫氣
噓大塊髣髴龍蹕臨灑道卻塵穢維神
著靈威得患辟非戾皇念軫生民屢禱
嘉澤霈報崇飭彝章蠲潔陳芳酌四海
歌豐年稽首謝神惠

贈張兵憲惟行都憲惕菴之子

東墀列侍映青袍南臬新除擁節旄
豸服喜承家世美鳳書親捧御筵高
停車曉驛看雲嶠放棹春江趁雪濤
沿海兵防需遠畧知君行部莫辭勞

雪筵夜集續前韻貽座中諸文彥

燒燭傳觥復此筵愛看飛雪坐延緣
茶煙入夜香能馥蕙草迎春色且妍
休沐每時歡對客燮調無補愧妨賢
莫嫌潦到還多興四海今歌大有年

贈翰檢晁君石使河南

剪桐頒帝命起草輟詞臣鳳城初罷雪燕谷已回春
 氣色中天迥風煙別路新翠含松影瘦青入柳眉顰
 言送皇華使知為玉署賓光儀端可挹詞賦轉須珍
 藩屏咨群辟征徃念遠民國風應遍采歸闕待敷陳
 賦得鸞子磯送華兵部南行

遙川匯洪流疊嶂凝黛色峻鑿萬古磯嵌空置禪室
 恍若臨普陀大士坐趺膝香煙出杳靄鍾鼓遶晨夕
 座裏紛雲嵐盃前見帆席我昔捫松蘿留詩在巖石
 別來踰十載俛仰歎陳跡君若款苔扉題書寄相憶

豈即王維詩中燕子含籠乎

七十自詠

山澤形骸自巖然豈知身到古稀年偶叨榮寵真逢
 聖且喜康強即是仙葵藿寸心惟捧日木風遺恨
 却終天人間萬事寧湏計憑仗丹扃種福田

晴望中台獨炯然焚香先祝 聖人年想題紫府紗
 籠字來作通明玉案仙豈有謀猷輸國論祗將忠悃
 格 皇天衰庸竊祿慚無補願乞 恩歸賴上田

在無逸殺直紗籠韓魏公故事

贈南吏部屠公直齋

白廬稿
妙年擢第羨瓊枝看到今登八座時天路驂騮元獨
步銓曹冰鑑信無私官同北斗司喉舌地隔江雲入
夢魚我為交遊情繾綣十年三贈卷中詩

送張銀臺

擢桂名高孰與傳承恩長在玉京遊人才評隲真懸
鏡國事經營擬借籌綠酒放歌燕市月白雲凝望越
山秋期君臺省方登用愧我衰遲合退休

贈別李年兄致政歸開州

垂老其如惜別何不堪回首賦驪歌故交屈指凋零
盡往事驚心感慨多良璧自應收定價宜鴻遙羨避

高羅極知得謝君恩重興遶東山舊薜蘿

送少宗伯朱兩厓西還

世路風波未可期天公福善此堪疑掄材漫惜千金
駿過眼頻驚幾局棋避諂參親投杼日放歌漁父扣
舷時只應何處無魚飯渺渺江湖任所之

憶惠山贈顧上舍歸覲

余昔曾遊惠山麓高閣停杯對修竹翠微四壁天風
吹到處泉聲滿幽谷別來巖洞隔蒼烟石上題詩不
記年爾向庭闈開壽酒殷勤為寄紫芝篇清典可誦

中流砥柱圖詩為大宰聞公壽

自廬山
卷八詩
黃河從天出西極噴薄崑崙浮積石萬里盤渦蹴地
迴百川注壑紛霆激洪波巨浪日崩奔遠會蒲海經
龍門只疑傾涌浩無止賴有砥柱屹立能中存芙蓉
峭矗迷烟霧不向他山借依附獨壓鴻濛震蕩中鯨
掀鼉踊長號怒天生神物障洪濤不假神工修鑿勞
孤標直擬擎天柱巨軸深盤斷足鰲共言元氣巨坤
維或有鬼神來護持吞吐六合撐拄二儀涿水不能
使之逝禹鑿不能令其虧國家有人如此砥柱者何
患乎一世民物非康熙千年靈秘會降神當今太宰
維其人澄之不清撓不濁萬仞之壁同嶙峋獨抱精

忠事 天子賢才盡入銓衡裏列辟咸瞻泰岳峯九
重自識尚書履眇予同醉曲江春朝省交情晚更親
青蒿松柏欣相倚燕石瓊瑤愧不倫寫圖酌酒為公
壽願言砥礪相携久力挽頽風返樸淳留取丹心同
白首 與廬山高敞手基也

龍湖南渠二閣學少湖宗伯偕承 召命入直

作此奉贈

直廬分住殿東西隱隱彤扉列幙齊賜饌日傳宮內
盒摘文宵捧 御前題蓬山地迥塵難到桃洞花深
路易迷我憶海桑凡幾見喜逢仙侶重相携

西園翁書來命子郎中應樞置酒為予壽孟秋
朔日宴于延恩新第坐客以次奉觴極歡賦

此寄謝

壽宴郎君為我開若翁書自故鄉來持緘不信關山
隔惜別俄驚歲月催欲問起居身尚健却懷松菊首
頻回親賓次第相酬勸因憶高情合盡杯

苑西罷直歸來晚正值涼生雨過時勝集衣冠賓滿
座香浮醽醁酒盈卮歌聲細轉銀箏促夜刻頻移玉
漏遲還似昔時桑梓會不知身在鳳凰池

身在公家閒日少為君今夕暫成懽不辭酒醖筵前

勸更愛庭花燭下看並蒂芙蓉紅照水連枝檜栢翠

當欄題書寄與園翁道擬乞閒身便掛冠

七朶透垣編栢
為屏交翠可愛

贈曹侍御出按豫章

曾識瓊枝在玉堂承恩幾歲作臺郎寧親繡服趨庭
貴出使星輅滿路光正喜壯懷初攬轡還因遠別更
留觴江鄉十郡經巡處剩采民風入皂囊

舊守東明范公行予以內直不能出送賦此奉

贈

五馬何年是別時甘棠猶繫郡人思關河漫惜睽違

直隸通志 卷八詩 十一
遠樽俎應憐出餞遲官重十州廉訪使情深幾度送
行詩過家况慰庭闈樂携得恩光獻壽卮

尚書顧公展省還惠山贈別二章

昔賢居柱下公乃隱金門遇合理非偶承恩謁 至
尊屢荷 宸札問親奉綸言温今來沐優寵予假歸
舊園輝耀着賜衣透遲動行軒重經釣遊處鷗鳥應
飛翻千里見明月幽期誰與論

露下百草腓風高群鴈度朝發燕臺門夕宿潞河渚
回望闐闔雲依依馬頻駐人生不可常忽若飛蓬聚
石翁賦歸休公亦戒行旅同年二三友悵別增情緒

欲寄青松枝攀折徒延佇

時太宰石塘
聞公致事還

送仲望胡君督學江西

聖代崇文教督學專憲臣持節臨方岳鳴鐸詔儒紳
君挺眉山秀觀光為上賓郝林先擢桂翰苑乃儲珍
謫乂志愈厲養深德彌純茲行被簡擢多士忻陶甄
範爐橐籥鼓匠氏斤斧陳式覩人文煥期還薄俗醇
慚無雜珮贈持此表情殷

劉都諫母八十壽詩

青瑣風裁六署先萱堂榮壽八旬年爐烟曉下金門
直桃實春開翠水筵寸草此心宜愛日幾函封事擬

聞天袁山况有祥刑譽慈訓咸歸鄭母賢唐鄭善果

郡齋聽善果決訟中理則喜劉君昔作推激郡故云

壽陶敬齋憲副大理丞見湖之父

雲林朝署總恩光七表齊眉舉壽觴紫誥九天頒雨
露黃花三徑耐風霜重聞章浦行驄馬早見天池浴
鳳凰西寺平反多淑問緘書頻得慰康強君按江子俱

送章僉憲之江西

使舟南去若登仙報主榮親志兩全遠道驂騑開逸
步清秋鷹隼擊高天樓臺掩映重湖外星漢參差積
水前想到洪城冠蓋集一時藩臬盡才賢

贈汪績

征馬翩翩促去鞍壯心不畏別離難聲名自昔從諸
父材品奚論効一官亭障入雲榆塞近關城飛雪鴈
門寒懷人京國無多路時向中天月色看

贈熊節推

晨裝戒南發別意共盈深因懷栢臺舊更誦棣華吟
林晚楓鳴葉川長鴈墮音無為憚行役努力慎官箴
贈邊德弘擢第還金川

玉筍何崔巍金川流湯湯迤邐結靈秀名鉅蔚相望
孝先腹經筍獻策來明光本起林壑蹤遂遙鷓鴣行

持節理郡憲車蓋復南翔臨岐勸瑤爵贈子雙明璫
前修詎云邈努力嗣遺芳

結騎戒明發駕言返鄉邑先塋霜露繁比舍雞豚集
我昔過名里風景尚能憶清湍跨修梁古木下寒白
別來四十載親故難再值因君訊李宋可復事共籍

君里居橋難有李宋劉
三姓皆業儒故及之

贈張縣宰

明到鈴岡里壺漿父老迎江流出峽秀縣閣對山青
預喜絃歌盛還期賦役平澆漓回近俗荒饑慰疲氓
國有徵賢典行哉聽頌聲

贈李中丞赴鎮

赤甸河山重鎮開保釐端仗出群才戎裝列騎都門
發御勅防邊驛使催天上恩光承雨露尊前號令起
風雷佇看文武成功後玉殿東頭聽履回

次韻李子中寓居隆福寺之作

僧房燈火靜寒宵紫陌城東念爾遙松晚故應凌雪
霰鳳儀終合在雲霄暫逢笑口尊前得謾憶年華鏡
裏消塵思為君還一洗細吟佳句似聞韶

書事

聖念分明似轉丸夜開獄戶放言官要知仁愛天心

重蒼籙千年保治安

福善昭然不我欺世人見善不能為艱危忽有生全

日信是神明與護持

詩史詩史

相翁惠柑

名圃鮮柑得賜嘗新苞猶帶越林霜元從寶澤樓前
種色映朱欄幾樹黃

相國手栽瓊玉圃龍陽不數木奴洲遠傳嘉實來京
國却對芳尊憶故丘

送萬總戎歸本鎮

朝京每歲勞王事重鎮應煩領國儲刻奏夕通長樂

觀舳艫秋度廣陵渠洲前月映清流出城上風摧古
木疎想見揮毫多秀句將軍文藻信誰如

壽止菴胡封君給舍仲望之父

耆英會裏神仙客濯錦江頭杖屨春息駕雲林誰可
問移尊鷗鳥自相親高風百代傳圖書勝事三川詫
縉紳皇闕恩波知未極壽鄉天地信無垠

答周梅巖見贈

人事升沉信所遭豈知衰薄到卿曹處身已幸蝸涎
足倦力猶驚鶴背高燕國求賢因始隗華封祝聖
正逢堯題詩寄謝梅巖老舊德江西屬望勞

寄贈許子仲貽

章江千里碧雲深，悵別頻經換歲陰。
白壁故應收定價，朱絃元自有知音。
劉郎句在，看花觀郗氏名高，擢桂林。
莫更汀洲望，蘭莊古來詞客易傷心。

贈憲副陶伯諧赴襄陽

方城漢水今巡地，扈蹕曾携白簡隨。
廉訪才名君獨稱，激揚風采帝能知。
封疆控扼連諸郡，民物彫殘異昔時。
晉代羊公遺澤在，登臨還讀峴山碑。

贈憲副李子中之山東

傾蓋燕臺上，停車越水傍。
別來年屢換，相見意俱忘。

劍貯蒼龍匣，詩探紫綺囊。
夜吟過禁漏，寒宿寄官省。
頒除日徂徠，趣去裝拂衣。
明牙繡捧勅，帶龍香日望。
扶桑近雲隨，碣石長蜃樓。
晴戍見油幕，雨亭張兵閫。
勞分前臺網，藉激揚離程。
當歲晚行矣，慎風霜。

梅巖詩贈周憲副

梅以稱幽素，巖以表嶙峋。
言共冰霜節，寧隨桃李塵。
具瞻詠周尹，調實儼商臣。
因題梅巖句，持贈柏臺人。

律也而有古意唐人所謂骨含蘇李也

賀西園翁受封秋官

遠傳封命里人驚，垂老恩光際。
聖明教子獨看成。

國器遺家何必羨金籬鸞書錦軸頌天寵翠竹蒼松
慰晚情悵望故山難縮地一尊何日可同傾

壽王母太宜人詩為武選道元賦

瑤池會啓長生籙蘭省詩傳燕喜章旋採玉桃開壽
酒更裁霞綺試仙裳高槐自轉庭陰靜香稻初登海
氣涼坐見千年瀛島畔探籌親指碧田桑

贈孫道甫守路安

名邦出守見難五馬翩翩促去鞍賸有能聲試盤
錯可無新政慰彫殘書回薊苑雲千里望入壺關路
百盤漢治由來重良牧君行當卜遠人安

贈趙汝周知石埭

抱了未售捧檄知為親腰間佩銅綬歸拜白頭人

二

蒼龍劍今朝始發唼莫遣塵埃浣精光重

三

古縣在山中客使少經過無煩飾厨傳唯愛聽絃歌

四

燕市一為別長江千里人那堪縻久宦更送故鄉親

壽白菴趙翁

郎官闕下拜恩初歸覲高堂樂有餘異代王孫傳舊

譜清時。逋客賦閑居。身安豈問還丹訣。興逸惟耽種樹書。頻報家音知善政。江間容易得雙魚。有一四轉折

三壽詩為趙翁賦

卿家昆仲皆耆耄。園綺高蹤可共論。異代璿源芳澤遠。當年喬木古風存。作朋正喜歌三壽。聚德咸稱在一門。日同遊。今遠別。綺筵何地獻金尊。

共三信

足灌嬰皆

取為鵬為鷁。豈須驚利名路。

一信

復也元在下等

直序稿卷第八終

